

2c

DISSERTATIO INAUGURALIS MEDICA,
DE
STUDIOSORUM
SANITATE TUENDA.

Quam,
DEO PROPITIO
GRATIOSÆ FACULTATIS MEDICÆ CONSENSU,
P R Æ S I D E
D. MICHAELE ALBERTI,
REVERENDISSIMI REGIS BORUSSIÆ CONSILIARIO AU-
GUSTO, MEDICINÆ ET PHILOSOPHIÆ NATURALIS PRO-
FESSORE PUBLICO ORDINARIO, ACADEM. CÆ-
SAR. NAT. CURIOS. COLLEGA,
FACULTATIS MEDICÆ DECANO SPECTATISSIMO,
PATRONO, PRÆCEPTORE AC PROMOTORE SUO
CUM HONORIS CULTU PROSEQUENDO,

PRO LICENTIA
AD OMNISQUE IN ARTE MEDICA HONORIBUS, INSIGNIBUS
AC PRIVILEGIIS MORE MAJORUM SOLENNI OBTINENDIS,
HORIS ANTE-ET POMERIDIANIS.
D. OCTOBR. MDCCXXI.

PUBLICÆ VENTILATIONI SUBMITTET,
CHRISTIANUS ULRICUS MATTHAEI,
FRIDERICOPOLITANO-SLESVICENSIS.

HALÆ MAGDEBURGICÆ,
Typis JOANNIS CHRISTIANI HENDELII, Acad. Typogr.



PROOEMIUM.



DE Apelle *Plinius Lib. 35. c. 10.*

refert: *Apelli fuit perpetua consuetudo, nunquam tam occupatam diem agendi, ut non lineam ducendo exerceret artem, quod ab eo in proverbium venit, hinc nulla dies sine linea: multæ sane in vita humana obtingunt oc-*

cupationes, quæ parum utilitatis, sed plus vani & profani ausus atque conatus continent, inde innotuit illud Seneca diæterium Lib. 2. ad Lucil. Ep. 1. Magna vite pars elabitur male agentibus, maxima nihil agentibus, tota aliud agentibus. Ducuntur quidem lineæ, sed plus otiosæ, quam fructuosæ, plus speciosæ & perniciosæ, quam necessariæ atque utiles: hinc illi turbulenti circuli: quo merito illud cadit & alludit nitimur in vetitum! & talis libera, honesta & salutaris occupatio sæpe in pravam & dolosam servitutem degenerat, quare Seneca exclamavit Ep. 47. ostende qui non serviat alius libidini, alius avaritiæ, alius ambitioni, omnes timori: nulla servitus turpior,

quam voluntaria: Sed qui non plus libertati & honestæ occupationi studere videntur, quam qui Musarum delubra colere gestiunt, interea multi otiosas & inutiles lineas ducunt atque in miseram servitutem se conjiciunt, ut per contradictoriam sæpe liberi servi nominandi sint: quid vero utilius, quidve honestius, quam tales lineas ducere, quæ animæ & corporis vitæ & integritati adjuvandæ, invitandæ & confirmandæ quadrant: ast quotidianus abusus, qui occupationem in tranctandis salutaribus adminiculis premit, querelas ingeminat, eapropter approbationem meretur, quod *Augustinus in Psalm. 118. Conc. 29. eloquitur: multi sunt, qui dicta sapientie Studiosissimè inquirunt, eamque in doctrina, non in vita volunt habere, ut non per mores quos jubet sapientia, perveniant ad divinam lucem, quod est in ipsa sapientia, sed per Sermones, quos habet sapientia, perveniant ad hominum laudes, quod est vana gloria: & quamvis bonarum literarum artiumque cultura multis passim laudibus concelebre- tur, tamen huic considerationi mox aliæ suspectæ & adversæ lineæ ad latus ponuntur atque ducuntur, quemadmodum Apulejus Apol. 1. differit: continuatio literati laboris omnem gratiam corpore detergit, habitudinem tenuat, succum exforbet, colorem oblitterat, vigorem debilitat; id quod, uti rectius de excessu in occupatione literaria va- let, ita non raro ad prosperum & legitimum successum atque usum sinistre applicatur: cum vicissim illud, quod *Plinius junior lib. 8. ep. 19. de se profitetur, memori men- te tenendum sit, quod videlicet studiis utatur aut ad stu- dia confugiat adversus dolores & adversa: de quibus ad- versis Cicero ad Curionem lib. 7. ep. 30. dicit: quæ quidem ego non**

non ferrem, nisi me in Philosophia portum contuliffem; & qui tali animo atque cura studiis operam dat, hic *Apellis* Lemma verè & fructuosè exercet, quod nulla dies sine linea: est tamen etiam modus in rebus! quantumcunque enim multi in defectu peccant, non pauci etiam contra ordinem impingunt, ita nonnulli etiam in excessu aberrare conspiciuntur, hincque animo æque ac corpori eximia detrimenta afferunt, ut propterea consultum sit hisce ingeniis frena imponere & moderamen suadere: haud vero mens nobis est hoc loco fusius magisque diserte animi morbos commemorare, qui ab excessiva studiorum cultura provenire solent, suffecerit brevibus ad memoriam revocasse illas imbecillitates, quæ corpori inde accidunt, eademque damna, quæ vitæ & sanitati præjudicant: neque tantum illi, qui cum excessivo ardore studiis vacant, sanitatis periculis sese subjiciunt, sed & reliqui singuli diversis offensis obnoxii sunt, meritoque curam ac sollicitudinem de tuenda sanitate gerere debent: quare *Picinellus* in *Mundo symbolico* Lib. 5. no. 33. dicit: *homines ad studia applicati parce comedant, multumque laborent, necesse est: qui enim sapientia operam daturus, eum oportet esse victu tenuem: nullum denique sit onus, quod detrectet.* Et dum e classe literatorum illi, qui adhuc disciplinis studiisque comprehendendis addicti sunt, varia ratione sanitatis offendiculis exponuntur, ita hæc consideratio plures permovit Doctores, quo Literatorum sanitati consulant: quod thema peculiari studio atque labore exposuerunt *Gratarolus* de *conservanda valetudine literatorum*, *Fabricius* *Tr. de Literatorum tuenda & restituenda va-*

letudine, Gesnerus in *Præceptis tuenda sanitatis*, Horstius de *sanitate studiosorum*, Pictorius in *Methodo sanitatis*, Ficinus de *studiosorum sanitate tuenda*, Jac. Sylvius de *victus ratione facili ac salubri pauperum scholasticorum*, Guntherus in *Hortulo sanitatis*, Hellingus de *salubri studiosorum victu*, Job. Sylvius de *studiosorum & eorum*, qui corporis exercitationibus additi non sunt, *tuenda valetudine*, Wedelius *disp. de diata Literatorum*, Waldschmidius *disputat. methodus sanitatis studios.* D.D. *Præses in Hygiene c. 15. de sanitatis moderamine in Literatis.* sed cum eadem tractatio non satis sæpe inculcari possit, quin aliquando ad usum sedulum applicetur, secundum illud Seneca *Ep. 27. Nunquam nimis dicitur, quod nunquam satis discitur*, ita etiam secundum S. Basilium *orat. 6. discendum absque ullo pudore & docendum absque invidia, & si quid ab altero hauserimus, id ipsum non est celandum.* Dum itaque studiosorum vitæ genus variis periculis subjacet, ita proposuimus illorum sanitati periclitanti quoad antenus consulere, ne prius corpus pereat, antequam ipsorum animus emendatus & bonis ac salutaribus scientiis atque artibus imbutus sit: ast dum hæc tractatio diffusior esse videatur, ita brevitati studere placet, & quantum limites Disputationis Inauguralis, quæ nobis exhibenda incumbit, concedunt, principales quosdam illius animadversionis respectus commendabimus: erit itaque propositum nostrum *de Studiosorum sanitate tuenda* hoc loco atque ordine differere, quo congruam occasionem præbeamus, ut sub præsentia sufficientis virium in corpore supellectilis cultura animi promptius meliusve succedat. Rogamus vero devotissima mente Deum benignissi-

gniffimum, quo nobis ad hoc propositum gratiam & benedictionem suam largiatur, ut omnia bona conamina atque consilia ad salutarem effectum & eventum pertingant.

§. I.

CUm in themate præsentis tractationis nulla obscuritas, ambiguitas aut difficultas adsit, ita supervacaneum esse judicamus, si in titulo diutius hæere animus nobis esset; dum vero *explicite* de *Studioforum sanitate tuenda* differimus, ita *implicite* de *morbis studioforum præcavendis* simul tractamus: quod vero *Studiis* addicti tali *consilio* indigeant, *diversus* illorum status testatur: etenim nonnulli *libertatem* studii *literarii* ponunt in *laxiori* & *jucundiori* vivendi genere, ut proinde innumeri *excessus* in rerum *non naturalium* serie indies occurrant, qui quantum *sanitati* præjudicent, non modo *quotidiani* effectus comprobant, sed exinde insuper constat, quam sæpe contingat, ut juvenes cum *bona naturali alacritate* Academias *adeant*, sed ab iisdem cum *afflicto* & morbido corpore *discedant*, quidquod *maturius* vita fungantur & ob *præmaturum* suum obitum cum multo dolore & *sera* poenitentia *vite* *genus academicum* detestentur, ut ex calamitate & *periculo aliorum* reliqui doceantur, quo *respiscant*, neque sibi ipsi annos *juventutis* maxima tali iniquitate auferant & de eo Summo rerum humanarum arbitro atque judici rigorosam rationem reddere teneantur: quamvis quidem hic *apertus* excessus merito *abominabilis* sit, tamen vicissim multi alii ob *diversas* causas in varias *sanitatis* suæ *calamitates* & infirmitates incidunt, ut deinde cum multa sæpe *anxietate* & afflictione *consilia* & *auxilia* à medicis expetant: quo loco non possumus non, quin *nonnullorum* studioforum *teneram*, minus *necessariam* & *superfluum sollicitudinem* reprehendamus, sub qua
indies

indies medicorum fores pulsant, pro ægrotis declarari desiderant & speciosam medendi methodum postulant, interim morbum sibi persuadent, aut leues atque transitorias alterationes in œconomia vitæ occurrentes commemorant, & proinde ardua & fontica mala metuunt; hinc evenit, ut, quando semel medicamentis uti inchoant, tunc sensibilius efficacius & molestius ægrotare experiantur, indeque magis magisque adversa valetudine obruantur, atq; constanter medici ope & medicamentorum concursu indigeant: exinde facile liquet, quantum uterque status, cujus modo mentionem fecimus, à se invicem discrepet, cum prioris conditionis Studiosi tam incuriose vita & sanitate sua utantur, imo rectius abutuntur, subinde juventutis suæ fiducia tenentur, ut sub pessima vivendi ratione vires suas destruant, reliqui vero prematuro metu & imaginaria solitudine citra ullam necessitatem mox medicis artificibus se submitunt & artificiosa tali correctione, naturales suas vires pervertunt & medicorum atque medicamentorum servi evadunt: & hæc adversa atque opposita Studioforum qualitas non parum affligit cordatos medicos, dum non facile hisce perversis moribus moderari contingit, ut nimia sollicitudo de tuenda sanitate, cum illis dividatur, qui vel parum vel nihil sanitatis curam tenent, adeoque citius ad interitum ruunt; quamvis ex observatione practica negari & celari minime debeat, quod ut plurimum illi, qui sine omni cura in perpetuo excessu sanitate sua abutuntur, citius quam reliqui è vivis discedant, qui posteriores vicissim cum diuturna adversa & iniqua valetudine conflictari conspiciuntur: quemadmodum vero utriusque conditionis studiosi plurimum laboris & difficultatis facessunt, ita illorum mox in limine & prima præparatione reminiscimur, quo cum iisdem convenienter artifices procedere sciant, neve ipsis plus, quam consultum & salutare est, indulgere suscipiant.

§. II.

Dantur vicissim alii Studiosi, qui plus justam causam habent, quo sanitatis suæ conservationi invigilent, dum ob
varios

varios respectus fonticæ sanitatis *periclitationes* & alterationes imminet, hinc *tempestiva* & congrua ope *medica* indigent: sicut vero ipsi *studiosi* multis modis *differunt*, ita secundum diversitatem talem consilia & auxilia instruenda sunt: propterea tales differentia nituntur *Natione*, qua alii *delicatiores* & *mollioris*, alii perinde *robustioris* & *durioris* indolis esse solent, qui posteriores propterea *non tam facile* valetudinarii existunt, modo frivole ordini sanitatis suæ, non præjudicent: differunt porro *studiosi Educatione*, qua alii *laxius*, *lenius*, tenerius & mollius enutriti & *in animo* æque ac reliquis rerum naturalium usibus *corrupti* sunt, ut ejusmodi filioli ocelli facile *succumbant* & quo magis periculosa *libertati* in omni vivendi ratione student, eo *facilius* pereant, inde est, cur ex parte filioli *unici*, tanquam spes *familia* & *parentum premature* in *Academiis* è vivis discedant: discrepant porro *Hereditaria dispositione*, qua *peculiaribus motuum* vitalium successibus, ordinibus & effectibus subjacent, qui quo *negligentius* tractantur, eo citius in *sinistrum* eventum degenerant: nec non distincti sunt *Teneritudine Corporis*, per quam æque facile *perniciosa* causarum invasionibus obnoxii redduntur & ob id suæ sanitatis dispendium patiuntur: discernendi etiam sunt *Sensibilitate*, qua longe *citius* nocivas causas & ataxias in vitæ curriculo *agrius* percipiunt, atque in œconomia vitæ & sanitatis facilius alterantur: differunt *Temperamentis*, quibus vel *robustiores* vel *imbecilliores*, vel *duriores* & *animo* atque *corpore* firmiores, vel debiliores, molliores & mobiliores existunt, hincque facilius *morbosarum* causarum efficaciam expositi esse videntur: differunt etiam *Consuetudinibus*, quibus modo plus, modo minus *perferre* possunt, adeoque ad alias & illas quidem *inconsuetas* mutationes *impatientiores* existunt: differunt *Dieta*, qua in *Academiis* multis variationibus subjiciuntur, indeque in œconomia vitali varias afflictiones experiuntur: differunt alia *vivendi ratione*, quando è *mobili* in *sedentariam* vitam transeunt, aut è *mitiori* in *intensius* motuum exercitium abeunt: aut quando è *la-*

iori in rigorosiorē, aut ex hoc in illum vivendi gradum & statum se immutant: differunt porro ratione Aetatis, qua modo teneriores modo firmiores sunt, adeoque modo citius modo tardius causis morbiferis subjacent: differunt ratione Judiciorum & Præjudiciorum, in quibus modo tenaciores, modo moderatores existunt, adeoque nocivis causis & occasionibus interdum plus, interdum minus indulgent: differunt etiam Morositate & mollitie atque lenitate, qua consiliis salutaribus & necessariis nunc facilius, nunc difficilius obtemperant: differunt quoad externa dona, dum alii, quibus domi curta suppellex, valetudini minus parcere possunt, contra vero illi, qui majoribus opibus præditi sunt, cum affluentia sua sæpe se ipsos jugulant, aut in gravia pericula conjiciunt: & has & quotquot adhuc aliæ esse poterunt, diversitates bene attendere convenit, quoniam secundum illarum rationem & conditionem ab artifice consilia & auxilia pro sanitate tuenda necessaria & invenienda & ordinanda sunt.

§. III.

Brevibus nunc præcipuas illas causas enarrare lubet, quæ sanitati Studioforum præjudicare & obesse solent, quibus rite perspectis atque agnitis, proinde idonea consilia & auxilia accommodari & subordinari poterunt, quo sanitas exoptata præveniatur & in ordine justo conservetur: ex hisce causis vero nonnullæ Animum, aliæ deinde Corpus concernunt; quod si enim mens insana fuerit, tunc eo citius corporis sanitas vacillat & morbose afflictiones invitantur: quod itaque Animum concernit, tunc sanitati valde præjudicat omnis inordinatus, immorigerus & incontinens status, quo singulæ Studioforum actiones confuse, raptim, incuriose & confestim tractantur, inde ipsæ experientiæ confirmant regulam illam, *qualis animus, talis sanitas*: inde evenit, ut quando ejusmodi Studiofi in actuales morbos incidunt, totus transitus & decursus morbi confusus existat, quin plane confuse à vita ipsi discedant, dum probata alias & utilia medicamina in ejusmodi subjectis vires suas salutare haud exserunt, quin potius sub confusis motu-

motuum progressibus mature tales patientes *extinguuntur*: præjudicat porro sanitati *animus* nimis *contumax*, *morosus*, *refractarius*, bonis monitis & consiliis vel non auscultans, vel non obtemperans, *animus qui sibi soli sapit*, neque rectum quid esse judicat, nisi quod cum suis moribus convenit, eigensinnige widerspänstige Köpfe, denen man nichts zu Dank rathen oder thun kan: ejusmodi ingenia non modo *erroneis* motuum *vitalibus* successibus obnoxia sunt, sed *convenientia* consilia & auxilia facile *respuunt*, aut *inverse* adhibent, adeoque utroque modo *sanitatis detrimentis* subijciuntur: *offendit* præterea sanitatem *animus variationibus* deditus, modo in *moralibus*, modo in *vitalibus* & ad vitam spectantibus negotiis frequentibus *mutationibus* addictus: quo magis enim *uni rei constanter* deditus est *animus*, eo magis negotia & actionum humanarum processus in pulchro & utili ordine permanent, hinc recte *Seneca Ep. 1.* dixit: *Fastidientis stomachi est, multa degustare, quæ ubi varia sunt & diversa, non alunt, sed inquinant: Nihil sanitatem impedit; quam crebra remedium mutatio: multiplices mutationes sunt noxiæ: &c.* subinde multiplicia sanitatis *offendicula* invitat *animus* nimix *mollitiei* & *teneritudini* adfuefcens, aut nimis *delicatam vitæ curam* gerens, quippe qui ex *levissimis* causis mox evidentibus *alterationibus* subjacet, ut proinde facile talia subjecta *valetudinaria* evadant; hinc non pauca constant exempla *Studioforum*, qui posteaquam se *nimis indulgenter* habere inceperunt, è *pristina* sanitatis *firmitate*, in *chronicam adversam* valetudinem degenerarunt; quare *affecteda mollities* non parum *sanitati præjudicat*: posthac sanitati contrariatur, *nimia & affecteda animositas*, quando *studiosi à natura molles, delicati, teneri, valde sensibiles*, aliorum robori & *duriori indoli* se *conformes* reddere audent, qui vero, quod à *natura ad minimum quoad vires* non habent, haud facile per talem *conformationem & æmulationem* impetrare poterunt & dum *vires* suas *necessitare* & *urgere* volunt, facile etiam *succumbunt* & multiplicibus sanitatis *periclitationibus* obnoxios se reddunt: porro *animus de sanitate nimis aut*

scrupulose sollicitus & curiosus facile sanitatis degeneraciones causatur, ut nonnulli vel ægrotationes sibi imaginentur, vel dum morbos anxie metuunt & de iisdem semper anxias persuasiones concipiunt, tunc valetudinarii reddantur; ut diversi ex imaginatione de sanitate turbata conquerantur, sind vor Einbildung schwach und fräncklich: omnium maxime immoderati affectus animi sive patheticæ commotiones sanitatem turbant, ex illis præcipue sanitati præjudicant prave concupiscentiæ libidinosæ, frequens tacita iracundia, mæror, metus, desiderium & quæ nonnullos affligit, Nostalgia die Eöhnsucht, das Heimweh, ut aliarum afflictionum, maxime spiritualium, quæ perinde sanitatem admodum affligunt, hoc loco non latiori commemoratione reminiscamur: sufficit principales tales animi turbas, quæ sanitati præjudicare observantur, recensuisse.

§. IV.

Quod reliquas causas, paulo propius ad corporis œconomiam spectantes attinet, tunc illarum variæ occurrunt, quæ sanitati studiosorum contrariantur: ast hoc loco de talibus causis id minime prædicamus, quasi specificè ad alterandam studiosorum sanitatem spectent, sed tantum inferimus, quas causas in humana vita occurrentes studiosi provide advertere & de illarum iusto regimine & moderamine solliciti esse debent: ex hisce causis posterioris indolis variæ sunt, quæ e rerum nonnaturalium supellectile profluunt: quid itaque Aëris intemperies aut imparitas valeat ad alterandam sanitatem, multa docent exempla: etenim studiosi e locis, ubi aër purior est, ad academias affluentes, ubi atmosphæra multum differt, multis incommodis submittuntur, id quod tanto magis in subjectis sensibilibus contingit: inde disponuntur ad scabiem, catarrhos immoderatos & frequentes, ut coryzam, gravedinem, tussim, deinde ad parotides, aliosve colli tumores, ad alvi fluxus ferofos, febres catarrhales benignas & malignas petechiales, aliasve continuas, capitis dolores, oculorum afflictiones: tanto magis studiosi, qui nunc aliqua labe in pulmonibus detinentur, inde disponuntur in hæmo-

hæmoptycas, *phthificas*, *asthmaticas* offensiones & utplurimum necessitantur, quo *locum* mutent, ni in vitæ periculum incidere malint: quid *malum* regimen quoad aërem nimis *calidum*, aut valde *frigidum*, aut admodum *humidum*, *humido-calidum* & quoad *repentinam* mutationem *caloris* & *frigoris*, (quippe quæ *minus sollicita variatio* studiosis, *juventute* sua fretis, valde familiaris est,) sanitati *incommodi* inferat, testantur *febres acutæ & chronicae*, *benignæ & malignæ*, *inflammationes peripneumoniacæ*, *alvi fluxus catarrhales pituitosi, biliosi, dysenteriae, colicæ, rheumatismi, congestiones, spasmi* &c. quo plus etiam studiosi *aëris injuriæ & confusæ* commotioni se exponunt, eo facilius *sanitatis* suæ *damna* experiuntur, unde sæpe contingit, ut *impuritates* ex aëre per *autumnum* & turbulentam *hyemem* collectæ, *initiante* vere ejusmodi subjecta in *gravia* sanitatis, imo plane vitæ pericula conjiciant: ob id etiam illi, qui studiis operam dant, non *humilia* & *super cellas* exstructa *musæa* seligere debent, quæ dum utplurimum *frigidiora, humidiora & impuriora* existunt, ita sanitatis integritati haud bene conveniunt: Quantum vero *prava Diæta* ad offendendam sanitatem studiosorum contribuat, numerosissimi effectus comprobant, inde enim invitantur pathemata *hypochondriaca, cardialgica, asthmatica, alvi obstructiones, colicæ, flatulentia, ructus, capitis dolores, pravae concoctiones*, aliique *primas regiones* affligentes morbi, e quibus præcipue etiam *intermittentes febres* nominandæ sunt: in nonnullis oriuntur *gravativæ* ventriculi molestiæ, *Ubliehkeiten* aus dem Magen, *nauseæ*, molestæ *tensiones hypochondriorum*, imprimis in *hepate*, *ructus nidorosi, irregulares excretiones alvi, diureses turbatae, stranguriæ*: & ita *excessus, defectus & inordinatus* atque *incongruus* usus victus atque potus variis modis sanitati præjudicare deprehenditur: de qua consideratione inferius adhuc plura proponere placet: quid & quoties *sanitati contrarietur* perversus usus *Motus* ac *quietis* perinde multæ *morbidae* calamitates testantur, velut suspectæ *ebullitiones sanguinis, inflammationes, Hæmor-*
B 3
rhagiæ,

rhagiæ, palpitationes cordis, affectus hypochondriacus, pathemata hepatica, splenetica, cardialgiæ, obstructions alvi, febres acutæ & intermittentes, &c. ita irregularis ac inconueniens usus somni & vigiliarum, nimix lucubrationes nocturnæ graviter sanitatem turbant, id quod etiam de negligenti & incongruo regimine ingestionis & egestionis sive retentorum & excretorum valet: ex quibus singulis fontibus tales evidentes & eminentes causæ emergunt, quæ studiosam sanitatem affligere & turbare possunt & solent.

§. V.

Sed quo post præmissam hanc præparationem ad specialem thematis nostri explicationem propius accedamus, mox iterum primo loco salutaria consilia & monita subministrabimus Animi moderationem concernentia, quo mens sana sit in corpore sano: quod verò sanitas corporis sanitate animi multum nitatur, vix ulla diffusa demonstratione indiget, cum nullus animæ commercium cum corpore facile in dubium vocare possit, id quod ab omni ævo eruditi agnoverunt & inculcarunt: quo loco tantum Platonis assertum in Timæo allegare lubet, ubi dicit: ad bonam & malam valetudinem, ad virtutes & vitia nulla moderatio vel immoderatio majoris momenti, quam animæ ad ipsum corpus esse videtur: quando anima corpore admodum potentior est, exultat in eo atque effertur totum ipsum intrinsecus, quoties languoribus implet: quando etiam ad discendum investigandumque collectis in unum viribus vehementer incumbit, liquefacit protinus corpus & labefactat: nonnunquam etiam destillationes, fluxusque commovens, medicorum plurimos decipit, cogitque illos contrarias causas indicare: una demum est salus, & conservatio ad utrumque, ut neque animam sine corpore, neque corpus absque anima moveamus, ut in mutua contentione exæquatis invicem viribus insurgentiæ bonam totius valetudinem tueantur. Et dum DEUS author sanitatis & vitæ est, qui sanitatem largitur secundum Syrac. 34, v. 20. & sanitatem restituit Psalm. 30, v. 3. Ps. 107, v. 20. 2 Reg. 20, v. 5. Syr. 38, v. 9. 14. hinc principalissimum illud
mon-

monitum & consilium observandum & exercendum est, quod ipse salvator tradit & commendat; *Matth. 7, v. 7. 8. petite & dabitur vobis; & querite & invenietis: pulsatur & aperietur: veri enim adoratores adorabunt Patrem spiritu & veritate: etenim Pater tales querit, qui ipsum adorant. Job. 4, v. 23.* exinde inferimus quod *sanitatis conservatio* ante omnia alia cum *piis precibus* ad *DEum* effusis exoranda sit: quo loco commendamus tractatum sub titulo: *Einige Regeln und Erinnerungen zur Christlichen und gebührlichen Verhaltung auf der Universität von den seel. Hrn. Veit Ludwig von Seckendorf, mit einer Anrede an die Studiosos, ans Licht gegeben, von Aug. Hermann Francken: in quo egregio lectuque digno libello continentur monita, quæ animæ & corporis sanitati proficua sunt: quo vero ad ipsam rem deveniamus, indicabimus qualis animus studiosorum esse debeat, si sanitati succurrere possit: præstat itaque in omnibus actionibus temperiei & continentie studere, neque ulla causa & ratione animum turbare, aut res adversas nimis adverse perferre; sit animus quietus, compositus atque tranquillus, non multis & alienis immerfus, cum omnibus objectis & subjectis placide & ordinate conversetur; operam dent studiosi, quo bonam conscientiam coram Deo & hominibus gerant, ita non habebunt, quod metuant, sed animum confidentem, sincerum & quietum possidebunt: fugiant omnia illa, quæ ullo modo confusionem & anxiam atque pravam sollicitudinem parere possunt: cum omnibus candide converfentur, ita nulla pericula expavescere debent: allaborent quo animum in proba, ingenua & honesta delectatione conservent & exerceant: in rebus adversis ne mox animum abjiciant, sed sub pia & honesta fiducia eundem erigant: & cum vitia juventutis & prava exempla admodum animum corrumpant, ita eadem cane pejus & angue imo tanquam pestis evitanda sunt: serius enim interdum sapiunt varii studiosi, quando modo & animus & corpus in abominabilem talem depravationem & corruptionem inciderunt: hinc mature cura animi est suscipienda,*

pienda, cum ipsæ *academiæ* sint ex parte talia *nosocomia* ubi *ægrotantes* & in variis *erroribus* hærentes *animi* curandi & emendandi sunt : quisquis itaque *corporis sanitatem* & puritatem amat, ante omnia *animi sanitatem* & puritatem prosequatur.

§. VI.

Præterea monendi sunt studiosi, ne præter rationem *temperamenti* & *consuetudinis* nimie *mollitiæ* indulgeant, ne naturam in *vitalibus* negotiis qualitercunque adhuc *vegetam* & *activam* seducant & in aliquam *socordiam*, *negligentiam* & *aversionem* conjiciant ; id fieri solet, quando *citra urgentem* causam ex *levissima* quadam alteratione, mox *sontica pericula* sibi imaginantur, aliisque persuadere conantur : id valet de eo, quando *levem dolorem* sentiunt in aliquali corporis regione, inde multi medicos adeunt, compellant & desiderant, quo *phthisin*, *hecticam*, *calculum*, *malum hypochondriacum* &c. quali affectu laborare autumant, quantocyus curent : interim nihil quicquam recensent, quid mali sentiant & tantum *hæc mala* commemorant : quando itaque medici percontantur, unde malum suum *hypochondriacum*, *phthisicum* &c. esse cognoscant, tunc parturiunt montes & interdum pathemata vix *ullius momenti* enarrantur : quare monendi sunt studiosi, ne quamvis *levem* & illam quidem *transitoriam* alterationem tanta *mollitiæ* apprehendant & tanto horrore æstiment, alias evenit, ut in *viliori* tali afflictione multa *medicamenta* adhibita, *naturalem* reliquum vigorem *destruant* & *valetudinarium* hominem generent : hinc in ejusmodi circumstantia studiosis commendandum est, ut primo a *multis medicis diversæ* sententiæ abstineant, ut facilem & *frequentem remedium* usum sollicitè evitent, ut *animi continentie* & temperantiæ studeant, ut *bono regimine* & congrua *dieta* utantur ; omnem vero salutarem effectum & eventum *divinæ clementiæ* commendent : monendi itaque sunt *delicatuli*, ne tanta animi afflictione sanitatis suæ periclitationes metuant, alias ex ima-

gina-

*ginatione valetudinarii redduntur : neque etiam illi molliculi attendendi sunt, qui, quando vel mediocriter cum aliquali animi applicatione studiis incumbunt, mox ingentes montes transtulisse sibi persuadent & morbidam quandam afflictionem sibi imaginantur, proinde pro tantis heroibus in literarum exercitio haberi & declarari cupiunt, ac si ob nimiam diligentiam sanitatis jacturam perpeffi fuerint : monendi tamen & illi sunt, qui nimium animi vires applicant & vel ultra capacitatem subtiliora studia prosequuntur, vel reliquas communes scientias, disciplinas atque artes excessivo fervore tractant : prioris indolis ingenia quod attinet, tunc illa & animi & corporis vires adeo eximie hebetant, ut præmature succumbant, hinc mox diversæ mentis operationes & capacitates vacillant, aut plane actualia deliria consequuntur, vel simul chronica & multiplices morbose calamitates corpus illorum corripunt : neque tamen indiscretim omnia ingenia ad omnia studia nata & idonea sunt, sed pro diversitate individualis capacitatis seligenda & tractanda sunt studia, ne & animus & corpus corrumpantur : quoad posteriorem circumstantiam & modus in rebus observandus, quo intensius & immoderatus enim nonnulli studia colunt, eo citius quidem illa comprehendunt, sed eo citius etiam sanitatis jacturam patiuntur, inde innotuerunt illæ formulæ, *er hat sich frantz und ungesund studirt, was hat er von seiner grossen Gelehrsamkeit, als einen frantz, siechen, ungesunden Leib :* & tales calamitates hac ratione collectæ ægerrime curari possunt : moderata itaque durant : hæc funesta exempla vero minime illi, qui pigritiæ, negligentia & otii indulgent, in suam partem trahere debent, alias illi in excessu, hi in defectu peccant & dum posteriores sanitati corporis providere gestiunt, animi sui vires perdunt & suffocant : unde suum cuique ! sic & animus & corpus in necessaria integritate perseverabunt.*

§. VII.

Sicut itaque vera sapientia est, nolle nimis sapere, ut Scaliger

liger exerc. 307. dixit, ita excessivæ animi applicationes, vires in negotio vitali applicandas, destruant & infringunt, id quod illi experiuntur, qui ex nimio fervore in studiorum exercitio, plurimam sanitatis partem amiserunt, inde de illis valet, quod Plato elocutus de fort. domest. lib. 2. c. 7. tum mentis oculi perspicacius videre incipiunt, cum corporis oculi deflorescant: i. e. ex periculo & damno resipiscunt: quo spectat illud Rejesii dictum Camp. Elys. qu. 51. quæ scire nefas, nescire necesse est; etenim nescire quædam, scientia est, & scire quæ scienti obsunt, inscitia: omnium maxime vero studiosis commendandus est animus purus & castus, quem eximie Zeno in sermone de pudicitia extollit: ita etiam Pythagoras in salubribus præceptis proficitur: vesci citra saturitatem, impigrum esse ad laborem, vitale semen conservare, tria saluberrima: quas regulas jam ethnici philosophi inculcarunt & ad quam mentis puritatem eo magis divina lex & voluntas adstringit; unde qui vitam longam atque sanam optat, studeat castitati & puritati animi: quam eximie enim sanitas cum libidine, lascivia & illecebris lædatur innumeratestantur exempla: inde vires in œconomia vitali applicandæ enervantur, sanguinis crasis depravatur, se & excretoriæ functiones turbantur, corpus impallescit & necessario nutrimento & accremento destituitur, motus sanguinis varie alterantur & diversæ alterationes sanitatis invitantur: reminiscimur hoc loco illi Diogenis Laërtii de vita & morib. Philos. Juvenis qui audiente Pythagora dixit, malle sese cum mulieribus esse quam cum philosophis conversari: cui recte Pythagoras & sues libentius in cæno, quam in aqua versantur: compellamus itaque studiosos cum Apostolo 1. Petr. 1. v. 22. qui animas vestras purificastis auscultando veritati per spiritum ad amorem fraternum minime simulatum, ex mundo corde alii alios diligite intense: & qui sapientiæ student, memori mente observent dictum Jacobi. 3. v. 17. sapientia quæ è supernis est, pura est: & cap. 4. v. 8. expiate aut sanctificate corda vestra: machet eure. Herben. Keuseh Syr. 14. v. 16. heilige deine Seele: id vero succedit, quando consilio & monito Apostoli Pauli Rom. 13. v. 14. morem gerunt: induite

duite ipsum Dominum nostrum Iesum Christum & ne curam habeatis carnis vestrae ad concupiscentias: conf. Syr. 19. v. 3. præterea commendamus illam evtaxiam in usu animi pro emolumento sanitatis ane illis temporibus, quibus corpori naturali, & consueta adminicula offeruntur, animus aliis negotiis nimis intentus sit: hinc sanitati præjudicant, qui sub ciborum ingestione studia tractant & sine omni attentione & applicatione cibos assumunt, qui mox post cœnam aut prandium intensius studiis incumbunt & sub connubio sedentariæ vitæ concoctionis successum admodum turbant, inde generantur cruditates in primis regionibus, cardialgia, ructus, flatulentia, affectus hypochondriaci, dolores & molestiæ multiplices hypochondriorum, obstructions alvi, capitis dolores, cacochymia, dispositiones ad febres intermittentes & lentas: quid quod multi præ nimia tali animi applicatione obliviscuntur excretionibus ordinariis continuandis & administrandis, indeque circa illas variæ anomalie oriuntur: quare omnia tempore opportuno peragenda sunt, ne morales vitalibus & hæ illis actionibus graviter præjudicent: quo magis itaque studiosi cum animo temperantia, continentia, modestia, ordini & sinceritati operam dant, eo melius sanitas decurrit & omnes functiones ad illam spectantes magis libere atque dextre procedunt: quare homines longævi inter alias causas suæ longævitatis hanc animi continentiam & tranquillitatem recensere sciunt: animus semper in bona spe, proba fiducia, moderato & honesto desiderio, licita & sincera delectatione conservandus, omnis vero prava cupiditas fugienda est: in doloribus, animum affligentibus studiosi ne sint nimium abjecti aut desperantes, in gaudio non immoderati & excedentes, in adversis sint patientes, in secundis temperantes, in omnibus ut filios sapientiæ se comprobent, ita & animus & corpus eximium fulcrum habebunt, quo vegeta & firma sanitate fruantur: si alius, quam hætenus commendatus animus fuerit, variis tunc detrimentis sanitatis cursus exponitur: quod si vero quisquam quæstionem moverit, quis intra hosce cancellos animum suum continere poterit?

huic brevissimis responsum damus, *apud Deum nullum verbum est, quod fieri non potest Luc. 1. v. 37. Si potes hoc credere: omnia fieri possunt credenti Marc. 9. v. 23. non enim omnis hominis est fides. 2. Thessal. 3. v. 2.*

§. VIII.

Ordo nunc requirit, quo *alias causas, sanitatem* studiosorum offendentes, *pecurramus & quale moderamen* circa illas feligendum & applicandum sit, proponamus: excipit itaque nunc illa consideratio, quale *regimen* quoad *aëris* usum studiosis commendandum sit: ubi iterum studiosi in *sensibiles* ac *delicatos* & vicissim in *minus* sensiles ac *robustos* ita dictos discernendi sunt: in genere quidem omnibus fugiendæ sunt *nimis præcipites mutationes* aëris *calidi & frigidi* aut *caloris & frigoris*, *nimis diuturnæ* conversationes sub *aura valde humida*, *nimis sicca*, *excessive calida*, *extreme frigida*, unde omnibus subjectis *alterationes* quædam sanitatis accidunt: *frequens* usus aëris *impuri* omnes naturas offendit: neque etiam salutare est, quoad aëris *intemperiem laxius* regimen observare; ubi merito ille *noxius* mos taxandus est, quando multi adspirante *sereniori* aura *negligentius* corpus obtegunt, & intercurrentibus ventis *frigidioribus* corpus exponunt, indeque *transpirationem* graviter turbant: aut quando sub *æstate* *nimis liberalius* corpus auræ *subjiciunt*, *diu* admodum *sudant* & noctu *frigidiori* auræ illud submittunt, aut quando *hyemali* tempore in *museis intensum* calorem adhibent, corpus vero *denudant* & negligentiori vestitu obtegunt indeque facile *sensibilibus* & *repentinis* refrigeriis obnoxios se reddunt: vel quando hoc *brumali* tempore perinde *laxius* corpus investiant & *duriores* vivendi rationem amplectuntur: ut & quando *æstivo* tempore *nimium* *sudant* & *æstuant*, *hyberno* vero *multum* *frigus* patiuntur: vel quando hoc *hyberno* tempore nunc in *valde calefacto* *conclavi fortius* *sudant*, *mox* vero *diutius* & *intensius* *frigent* & per noctem tum in lectis tum alibi *multum* *frigus* patiuntur; ex ejusmodi *irregulari* aëris usu varie *sanitas*

nitas offenditur & in multiplices ægrotationes degenerat, velut in *catarrhos*, *scabiem*, *alvi fluxus*, *febres cholericas*, *petechiales*, *petechizantes*, *catarrhales benignas*, *dysenterias* &c. pro diversitate temporum annorum & perversi usus aëris: seorsim vero studiosi sanguine turgidi & abundantes a nimia & frequenti exæstuatione corporis abstineant, neque post prægressum qualemcunque exæstuationem vel internæ vel externæ sensibili refrigerationi se subjiciant: unde perniciosus mos est, post gravem calorem loca & potulenta frigida mox applicare, unde facile affectus inflammatorii in diversis corporis regionibus, febres continuæ, acres alvi fluxus, colicæ &c. consequuntur: excessivus calor hyberno tempore provocatus tanto certius atque citius nocet, quo facilius subsequens intensum frigus evidentes alterationes causatur: hinc consultius est, quo transpiratio insensibilis in æquali, moderato & constanti successu conservetur: quapropter etiam balnea in fluminibus uti multis funesta, ita præcipue plethoricis haud salutaria existunt, quoniam raro sine sensibili alteratione adhibentur, hinc rectius evitanda sunt: fugiant etiam studiosi musca valde frigida, valde humida & valde declivia; quæ enim demissa & declivia sunt, illa paululum ultra modum calefacta diversas capitis & colli afflictiones in plethoricis præcipue & succulentis causantur: musca etiam, quæ in postica domicilii parte collocata sunt, neque aperto sed occluso & impuro aëre fruuntur, studiosis paulo sensibilibus minus salubria esse observantur: præcipue vero illi, qui asthmatici jam sunt, congestionibus pectoris obnoxii existunt, & aliquali pulmonum labe laborant, quia in hæmoptysm propendent, qui capitis doloribus interdum vexantur, fugiant omnem aërem impurum & e vicinia opificum sub fumis operosorum citius migrent atque puriorem auram feligant: hinc procul a fumo, procul a prædictarum afflictionum frequenti aut immoderata invasione: nimium vero ab omni intemperie aëris se subducere velle, adeoque nimis indulgenter & scrupulose etiam levem aëris turbam fugere, perinde sanitati incommodum.

modum est & ad *faciliores* futuras *offensiones* disponit : & hæc brevibus quoad *Aëris* usum & *Regimen* dicta sint.

§. IX.

Proximum est ut de *Dieta* sive victu & potu *Studioforum* nonnulla verba faciamus, & quomodo ex *culina* & *cella sanitati* suæ prospicere debeant, aliqua moneamus : *dispersenda* vero erit *dieta* secundum *conditiones* *Studioforum*, dum nonnulli ob externa dona & bona sive *ubertatem* adminiculorum *dieta bona & plena*, alii vicissim ob *penuriam* & defectum necessariorum subsidiorum *mediocri* aut plane *refracta* *dieta* utuntur : deinde ratio *diætæ* *quantitate*, *qualitate* & *ordine* assumendorum alimentorum & potulentorum nititur : primo itaque loco *alimentorum sanitati* *studioforum* inservientium mentionem facere lubet : proficit itaque *studiis* operam dantibus *victus*, secundum *diversitatem nationum* accommodatus, *tenuior*, quo facilius concoqui, ad usus *vitales* applicari, & *connexæ impuritates* citius separari & *evacuari* queant, quo plus enim *victus vires*, corporis *œconomix* impendendas, *aggravat*, eo minus animus ad *studia* proclivis & promptus est, quare distinguenda est *dieta* *literatorum* & illorum hominum, qui *arduis laboribus* cum corpore administrandis incumbunt : fit itaque *dieta* *studioforum* *mediocriter tenuis* haud vero *nimis mollis*, *delicata* & *indulgens*, ne *natura emolliatur* & à *naturali* sua *pristina alacritate* seducatur : neque etiam *victus nimis alimentosus* feligendus est, nisi *studiosi* etiam *arduis corporis* *exercitationibus* indulgeant, alias *cibus valde nutriendus* ad *superfluam sanguinis* *copiam* contribuit, quæ deinde ad *varia incommoda* & *molestias* disponit : *Studiofi* itaque cum *non laboriosis* corporis *commotionibus* indulgeant, *victu* *mediocriter nutriente* utantur : unde omnis *voracitas* fugienda erit ; nam qui *ventri* student, reliquis *literarum* studiis vix condigne inhærere poterunt ; hinc *oppletio ventris* ut plurimum cum *torpore animi* conjungitur : ob id *Seneca* dixit *Ep. 15. Copia ciborum subtilitas animi impeditur* : quid quod subinde à *nimia voracitate* oriuntur *primarum viarum* infar-

infarctus & *cruditatum* coacervationes: hinc subjiciuntur Studiosi *alvi obstructionibus, flatulentis, cardialgiis*, variis *ventriculi pathematibus, hypochondriacis calamitatibus* &c. propterea studiosis commendandum est monitum *Pythagoræ*, quod videlicet nunquam ad *Saturitatem* cibos ingerere debeant, hinc *temperantiæ* rectius studeant: nocet etiam studiosis *viæ crassus, viscidus, frequenter frigidus*, qui *primis regionibus* multa *incommoda* parit & inducit: præstat propterea in *talium* ciborum usu *moderamini* studere & pro *conditione nationis, educationis, sensibilitatis & consuetudinis* nunquam largiori illorum ciborum usui inhærere: cibi qualescunque *flatulentias* causantur, valde *fermentant*, multum *acidi*, aut plane *adstringentes* sunt, sollicite evitentur: *irregularis* ciborum ingestio, aut quando *per totum diem* cibi diversæ speciei ingeruntur, sanitati admodum *præjudicat*: *fructuum arboreorum* copiosus usus aut evidens *abusus*, sanitatem eximie turbat, & ad *vomitum, alvi fluxum, dysenterias, colicam, flatulentiam, alvi obstructionem, vitia diureseos, & concoctionis, febres cholericas & intermittentes* &c. disponit; quare perinde studiosi illis cum *temperantia* utantur: neque etiam salubre est, post *talium* fructuum comestionem mox *cerevisiam* aut *aquam* superbibere: post prægressas *nimias commotiones & exercitationes corporis* confestim *ventriculum* cum *cibis* onerare, consultum non est: rectius aliqualis *requies* intercedere debet: unde mox à *ludo gladiatorio, equitatorio, saltatorio*, aut *operosis exercitiis mechanicis* ad *prandium* se conferre, sanitati non proficuum est, dum enim totum corpus & subinde interna viscera *nimio motu* agitata sunt, ita facile aliqualis *enervatio* occupat & partes nimia sanguinis *quantitate infarciuntur*, sub quo statu haud salutare est, *ventriculum* cum *multo cibo* opplere & *vires* onerare velle: quod enim caret *alterna requie durabile non est*.

§. X.

Quicumque enim *viliori* victu, ob *curtam suppellectilem*, uti tenentur, illis etiam *regulæ sanitatis* præscribendæ sunt:

sunt: ante omnia a voraci & avida crassiorum ciborum ingurgitatione *abstineant*, neque autument quod ad plenam saturitatem cibi assumendi sint: studiosi enim cum *paupertate* affecti, ut plurimum ita *insatiabiles* sunt, ut sanitatem ex gratuita mensa admodum *ledant*: ob id illis *abstinentia* & *temperantia* valde commendanda est: nam si *dieta crassior* fuerit, tunc eo magis refert corpus cum cibis *spissioribus* non onerare; quid quod *temperata* talis *dieta* plus sanitati subvenit, quam *plena*: dolendum sane est, quod multi tales studiosi valde frequenter medicos ex propria sua culpa molestant, de *viliore* victu gratuito conqueruntur, & quod ipsorum *sanitati præjudicet*, indicant: si vero ipsis *temperantia* commendatur, ne videlicet *plenis buccis* cibos tales ingerant, neve *ultra vires* suas *divisas* ciborum portiones assumant, tunc reponunt, quod *naturæ* repugnet cum *famelico* ventre a mensa discedere, & tam tristes a medico discedunt *pauperes* juvenes, qui *medicinam pro corpore* inquisiverunt, ac *dives* ille juvenis a Christo, *medico animæ*, discessit: malunt quidem illi continuare suam *voracitatem*, & tamen *firma* potiri *sanitate*, quod *simul stare* non potest: neque etiam *divisæ* ciborum gratuitorum portiones *singulorum* conditioni respondent, uni sunt *sufficientes*, alteri vero *superflue*; quæ itaque pro *viribus* & *teneritudine* *subjectorum* æstimandæ sunt: panis *recenter* cocti, aut cum multo butyro & *fecibus cerevisiariis* largius commixti, *copiosus* usus sanitati adversatur: sub usu *diætæ vilioris* & *crassioris*, præter ante commendatam *temperantiam*, *sufficiens potus* & *conveniens motus corporis*, imo interdum *modicus* haustulus *spiritus ardentis* proficit, cavendo ne cum hoc *abusus* aut *excessus* committatur, siquidem etiam illius *quotidianus* usus non suadendus est, quoniam facile ejusmodi subsidio natura *adsuescit*, & sub illius *defectu*, varias *sanitatis suæ periclitationes* patitur: præterea etiam sub tali *posterioris* indolis *diæta* sedulo studiosi prospicere debent, ne alvus *exsiccetur* aut plane *obstruatur* quale quid sub usu prædictorum monitorum facile præoccupari potest:

potest: omnis enim voracitas in hac diæta commissa etiam lubricam alvum impastare & obstruere potest, tanto magis vero si studiosi parum bibunt, multa sedentaria vita utuntur, multum sudant & parum bibunt, aut multum frigus patiuntur: quando etiam interdum studiosi sub tali victu segniorem alvi succellum experiuntur, tunc aliquandiu a cibis solidis abstineant & cum potu, jusculis & butyri usu contenti sint, vel prunis coctis utantur, haud vero mox ad medicamenta confugiant, sed transitorie ejusmodi afflictioni cum lenissimis & naturæ magis arridentibus & e diæta petitis adminiculis subve- niant, quo scrupulosius enim artificiose natura tractatur, eo magis a sua simplicitate & sinceritate seducitur & avertitur: sub tali crassa diæta proficius etiam est usus piperis, Zingiberis, ceparum, synapios, rhabbanorum, armoraciæ, petrosclini &c. qua- les species cruditates resolvere & ad faciliorem evacuationem præparare solent: aromatum usus in omni reliqua diæta sit modicus: prandium sit moderatum, cæna parca: ita plus sanitati consulitur, quam cum victu copioso: studiosi enim non ventri inserviant, sed sub reliqua cultura animi etiam sanitati operam dent: nimis scrupulosa diæta nocet, omnemque cibum abso- lute & delicate averfari, absente etiam dyscrasia, nimium emol- lit naturam, unde ipsi interdum cum moderamine cibi solidio- res & duriores offerendi sunt, quo viribus & officiis suis rite defungatur.

§. XI.

De victu studiosorum illoque utendi modo brevibus ante dictum fuit; nunc de Potu, studiosis competente, pauca referre lubet: ante omnia vero illis, qui Musis se consecra- runt, abusus quoad potum eximie nocet: quid enim Baccho cum casta Minerva? omnis excessus in potando animum & cor- pus lædit atque turbat, cujus rei latius mentionem fecit D. D. Præses in Praxi extemporanea, sub titulo de Ebrietate: fugienda itaque est toto studio a studiosis detestanda crapula, quæ quantum animo ac corpori damni afferat, non fusiori demon- stratione indiget, cum numerosissima exempla comprovent, quid lucri fecerint, heluones, potatores & miseri heroes, qui cum aliis potando certarunt, quanta videlicet damna suis

viribus & *sanitati* intulerint & heluationis luxurie, intemperantiæ & asotiæ suæ poenas cum *præmatura morte* sub *miserrimis* afflictionibus luere debeant: fugiat itaque quisquis *sapientiæ* studet hanc iniquitatem & plus quam *bestialem* morem, fugiant hoc malum, ni a *sapientia alieni* esse malint & observent illud *Salviani* dictum de *Gubernatione DEI Lib. 5. nemo malus nisi stultus: Si enim saperet, bonus esse mallet:* id quod crimen *intemperantiæ* sicut jam inter *ethnicos infame* & exosum fuit, ita tanto magis ab hac iniquitate discedant, qui invocant nomen Christi, 2 Tim. 2, v. 19. aut qui se *christianos* vocant: interim illis qui *studiis* vacant suadendus est *potus temperatus, tenuis, dilutus, non valde saturatus aut multum alimentosus:* *crassius* enim potus turbat caput, se atque *excretorias* functiones impedit, *inspissat sanguinem* & præcipue *melancholici* temperamenti subjectis multos *virium torpores, sanguinei & choleric*i habitus hominibus *orgasmos sanguinis, phlegmaticæ* denique constitutionis personis maiorem *socordiam & abjectionem* alacritatis causatur: quotquot verò subiecta *tali* potu uti debent, illa *victu* fruantur *tenui, temperato* & in modica quantitate constituto, proinde adhibeant *decocta calida* sive herbæ *veronicae, sive Thee*, quæ *perluunt* vias & *sanguinem*, diuresin adjuvant & omnem imminet humorum *spissitudinem* præoccupant: sit vero *potus* vicissim *sufficiens*, quare ad minimum duas mensuras potulenti per diem hauriant: potus *vinosus* perinde sit *temperatus* neque etiam *copiosus* aut *quotidianus*, quicunque verò *valde tenui* potu utuntur, illis *quotidianus* usus *modicus* vini concedi potest; vina *exotica* valde *spirituosa* ut *Gallica, Hungarica, Italica*, non constituunt potum pro *studiosis* *quotidianum* aut *copiosum* ad tuendam *sanitatem* proficuum: *spirituum ardentium* usus sit *modicus*, minime frequens, *quotidianus* aut *copiosus*: tanto magis ab illorum usu abstineant *plethorici, sanguinei & choleric*i: qui vero *ventriculo* laborant, atque *difficilem concoctionem* experiuntur, illi si nihil aliud contraindicat, aliquando illis tanquam *medicina* utantur: *aliter* adhibiti, *sanitatem* turbant: *lactis* usus ne sit frequens, neve copiosus: *serum lactis æstivo tempore* aliquando adhibitum *temperat & abstergit bilem, diluit sanguinem*

nem, *promovet* evacuationem alvi & urinæ, *mitigat* æstum & orgasmum, adeoque sanitati conservandæ, si *congrue* adhibetur, inservit: qui a *teneris simplicioris aquæ* potui adsueti sunt, illi non ad *cerevisiarium* potum transeant, interdum *modico vini* usu fruantur, aut *sub Dieta* speciebus *aromaticis* tam exoticis, quam nostratibus simul utantur: qui diætâ sufficienter *nutriente* gaudent, illi a *potu* valde *alimentoso* & pingui *abstineant*: potus *cerevisiarii* & *vinosi* in profunda *nocte* aut *mane* ingesti *sanitati* contrariantur, sicut *matutinæ spirituum ardentium* ingurgitationes studiosis non facile commendandæ: neque etiam infusa calida aquosa e speciebus *medicamentosis* parata, sæpius adhibenda sunt, licet studiosi interdum medicos *præter necessitatem* urgeant, quo ipsis ejusmodi potus, quem vocant *Kräuter Thee*, ordinetur: inconsultum enim est *naturam* ad *artificiosa* sæpe allicere & obligare: nimia a potu *abstinentia* nocet: quare defectiva potus ingestio interdicienda est, licet varii excusationem illam proferant: was sie viel trincken sollen, sie hätten ja keinen Durst: loco additamenti aliqua de *fumo tabaci* addamus, hic magis *militibus* & *nautis*, quam studiosis inservit: multi qui *siccioris* & *calidioris* constitutionis sunt, cum fumo tabaci sanitatem suam *turbant*: & qui præter usum fumi tabaci, *parum bibunt*, illi sanitati præjudicant, ni *humiditas* in ipsis valde *excedere* videatur: interim multi *præter necessitatem* hoc fumo utuntur: non paucis vero etiam *proficiuus* est, maxime quidem *valde humidis* naturis: cavendum tamen est, ne loco *præoccupandarum* catarrhalium afflictionum, magis *congestionem* & *affluxum* in superiores regiones invitentur: *durioris* interim nationis filiis paulo *facilius* hic tabaci *fumus* concedi potest, quam reliquis.

§. XII.

Proinde etiam præstat illis qui studiis incumbunt, regimen congruum circa *Motus* & *Quietis* usum ordinare, ne exinde sanitati aliquod offendiculum accadat: quod exercitium sive *motum corporis* attinet, tunc omnino interest, ne *nimie desidia* studiosi indulgeant, inprimis illi, qui de temperamento *Melancholico* participant, qui è *Septentrionalibus* regionibus accesserunt, diætâ qui *crassiori* utuntur & qui haud *sufficientem* potum assumunt; *motus* vero omnis sit *moderatus* & *opportunus*:

excessiva enim corporis exercitationes & defatigationes *ladunt* sanitatem: nonnullis profunt *modestæ equitationes* & *vectura*, præcipue illis, qui *spissitudine* sangyinis laborant & *hypochondriacis* molestiis subijci videntur: inprimis sanitati Studiosorum prædictæ conditionis, conveniunt varia *exercitia*, qualia alias *tornatores* & *scriniarii* administrare solent; ut videlicet *edolent* asseres, aut in scamno *tornatorio* laborem exerceant; *ferrent* serra, findant lignum, tractent & tundant mortaria, pila majori sive folle aëre distento ludant, vel globum ad conos jactent, sive corpus super petaurum agitent, vel *modica cursitatione* exerceant; vel aliis exercitiis *mechanicis* laboriosi sint, tympanum & ahenum tractent, in omnibus vero talibus exercitiis *moderamen* observent: quicumque enim ad graves *hæmorrhagias* propendent, illi in *commotione* corporis eximie sibi prospiciant, ne ullo modo aliqualem *excessum* committant: multo minus confert subjecta *ultra vires* cogere, quo corpus commoveant, alias tale exercitium corporis magis nocivum est: abstineant etiam studiosi à *simultaneis* & *repentinis* corporis commotionibus & sub *alternata* quiete congruo ordine corpus suum commoveant: *plethorici* vero & quibus sanguis *floridus* & subtilis est, illi non quidem penitus *nimia desidia* indulgeant, interim à *fortioribus* motibus desistant: neque etiam consultum est mox *post prandium* aut *cenam* nimios motus suscipere: proficit vero tum *ante* tum *pomeridiano* tempore convenienti gradu corpus exercere; adeoque talia negotia sanitati subservientia iusto ordine & congrua *alternatione* suscipere: capropter salutare haud est *nimis diu motuum* exercitio insudare, neque vicissim *nimis diu quieti* indulgere: *valetudinariis* studiosis non raro *peregrinationes* conducunt, quæ sanitati sublevandæ & restituendæ non parum respondent: commendandæ illæ sunt subjectis, quæ *hypochondriacis*, *congestoriis*, *spleneticis*, *asthmaticis* pathematibus afflicta sunt, aut quæ *alvi obstructione* laborant: motus nimius cum *pectore* susceptus nocet, quare studiosi *congestoriis* commotionibus *pectus* affligentibus, *capitis* doloribus, *ophthalmicis* affectibus, *odontalgis*, *cardialgis*, *asthmaticis* calamitatibus subjecti, aut qui in *hæmoptysin*, *vomicam* pulmonum, *phthisin*, multam & pertinacem *tussin* inclinant, illi à multis *clamoribus*, *nimia sermocinatione*, tractationibus instrumentorum *musicalium*, quo *motum* & afflatum *aëris* necesse habent, ut sunt *tubæ* & *tibiæ* variæ speciei & denominationis, sollicite *abstineant*: *nimia desidia* & *sedentaria* vita omnibus studiosis *nociva* est: tanto minus etiam confert cum multa *compressione pectoris* & *abdominis* studiis

diis incumbere, è quo situ corporis varii dolores *hypocondriorum* regiones corripunt, inde conqueruntur de multa *tensione*, *pressione* &c. in *sterno* & costarum verarum æque ac spuriarum regione: quare proficit cum *erecto* pectore studiis operam dare, aut ante pulpitem *stando* negotia sua administrare: qui vero vicissim *nimum* aut *diutius* stant, varias *pedum* molestias, velut *enervationes*, *rigores*, *stupores* & *tumores* circa *maleolos* experiuntur: interim *plus præstat* motui indulgere, quam quieti, quoniam corporis *œconomia* & in illa *fluidæ* æque ac *solide* partes, sub *longinquiori* quiete facile ita alterantur, ut sanitas eminens detrimentum patiatur.

§. XIII.

Nunc brevibus etiam mentio facienda erit, quomodo studiosi congruo Regimine quoad *Somnum* & *Vigilias* uti debeant, quo ipsorum sanitas inde aliquod adjumentum acquirat: quod enim *Somnum* attinet, tunc illius *excessus* *animum* & *vires* corporis torpescit, qui *torpor* successive *sanitati* præjudicat, dum ob negligentiorē applicationem necessariarum virium in negotio vitæ & sanitatis, reliqui effectus eo spectantes *minus vegete* minusve sufficienter succedunt: sicut itaque *nimius somnus* *animum* ad studia ineptum reddit, ita hic *torpor* semel in animo provocatus in *reliquis* actionibus torporem sanitati præjudiciosum post se ducit: quare *Plato Lib. 7. de legibus* & *Clemens Pædagog. lib. 2. c. 9.* dixerunt: *Somnus multus nec corporibus, nec animis neque rebus gerendis natura conducit* & dum sub *diuturno* somno necessarius *motus* corporis localis cessat, ita conjuncta nimia *quies* destituit studiosos illa utilitate, quæ ex *motus voluntarii* exercitio sanitati tuendæ alias quadraret: ita vicissim *multus somnus* alias *pravas consuetudines* invitat, quæ sanitati præjudicant, videlicet *ataxiam* in *dieta*, *voracitatem* & *nimiam ciborum ingestionem*, a quo excessu iterum *vires onerantur*, hincque negotia *sanitatem* sublevantia vario modo offenduntur: porro sanitatem lædit somnus *inordinatus*, quando *nocturnis lucubrationibus* studiosi *nimum* invigilant & ita *ordinem naturæ* invertunt, dum multam *diei* partem *dormiendo* perdunt & consumunt: & cum *noctu* magis negotia *nutritionis*, *præparationis*, *absterisionis* & *secretionis* in naturali ordine succedant, ita hæc utiles & ad sanitatem æque necessariae functiones graviter *turbantur*, *diurnæ* vero actiones æque *confuse* procedunt, sub qua *ataxia* sanitas adeo exacta & firma esse haud potest: quare quoad *somnum* ordo

conveniēns eligendus est: sufficiunt sex aut septem horæ ad somnum capeſſendum, præcipue *ſenſibilioribus* & debilioribus naturis: optimus eſt ordo quando decima hora ſe ſomno dant & quinta matutina è ſomno iterum ſurgunt, neque inexcitabili ſomno oppreſſi, eundem ſomnum in diem protrahunt; hinc multi à *nimio* ſomno *cephalalgias*, *tremulēſ* capitis & *torpores* in artubus experiuntur, multi viciffim à *diuturno* decubitu moleſtas *tenſiones* in externis membris ſentiunt: Et ita etiam *Vigiliis* opera danda, ſub quibus multæ operationes ſuccedunt, quæ ſanitati ſubveniunt, maxime quidem neceſſariæ *excretionē* & congruæ *ingēſtiones*, humorum *attenuationē* & *æquales diſtributionē*, externorum membrorum *abſterſiones* per ſufficientem ſangvinis *tranſitum* procedentes, ut & congruæ illorum *humectationē*, quo ſub apta *flexilitate* reliquæ *connexæ* actiones rite exerceri queant: accedit motus corporis *voluntarius*, cujus multiplicem uſum ſanitati proſicuum *Excell. B. D. Stablius*, peculiari diſſertatione explicavit & commendavit: *exceſſus* vero qui cum *Vigiliis* committitur eximie *nocet*, quem jam veteres medici in generali deſcriptione atro notarunt carbone, unde etiam ſtudioſis interdicens eſt: etenim *nimie vigilie* diſponunt ad *capitis* & *oculorum* affectus, ad *imbellitatem* operationum *mentis*, ad *inſaniam*, ad *atonias*, ad *cruditatum* coacervationes in primis regionibus, ad turbatam *concoctionem*, ad *ruētus* cum *cardialgia* conjunctos, ad *cacochymiam*, ad affectum *hypochondriacum*, ad *alvi fluxus*, ad *ſpiſſitudinem* ſangvinis, *palpitationem cordis*, *flatulentias*, ad *torporem* in corpore externo, ad *impuritatē* ſangvinis, ad *ædematoſas* afflictiones, quare variis modis ſanitas à nimio vigiliarum uſu offenditur: maxime quidem à ſtudioſis evitandæ ſunt *nimie lucubrationes nocturnæ*, quæ *vertiginōſis* etiam capitis perturbationibus anſam præbent: eo minus vero illæ in *plethoricis* & *melancholicis* conveniunt: dies itaque impendatur ad vigiliarum ſtatum, neque æque ſtudioſis neceſſarius eſt ſomnus *diurnus*, niſi *arduis* & *laborioſis* corporis exercitationibus addicti fuerint.

§. XIV.

Deniq; nonnulla ſalutaria monita circa *Evacuationum* neceſſariorum & utilium directionem, quatenus Studioſorum ſanitati competunt, ſubnectere placet: plurimum enim vitæ & ſanitatis *ſalutaris* proceſſus *debito ſucceſſu ordinariarum excretionum* nititur & quo magis *ordinate* atque *ſufficienter* tales evacuationes continuant, eo magis ſanitas confirmatur: præſtat itaque quo *alvus* libero & conſtanti ſucceſſu gaudeat,

deat, quouiam omnis *segnities*, *siccitas* aut *obstructio* alvi varia *damna* invitat: ad *evitandum* verò talem *inordinatum* alvi succēssum convenit congrua *dieta*, *potus* & *motus* sufficiens, exclusio internorum & externorum *refrigerantium*, abstinētia ab alimentis *nimum siccis*, *spissis* & *tenacius pultaceis*: rectius vero ad *promovendam* excretionem alvinam conferunt ex *dieta oleosa*, modice *lacticina*, *juscula pingua*, *butyri* liberalior comestio, *gelatinosa* liquidiora, *pruna*, *poma* & *pyra* dulcia cocta, *passulata*: quicunque etiam in *obstructiones* alvinas inclinant, illi abstineant à cibis *crassis*, à copioso usu panis *recentis* aut *insufficienter* cocti, ab usu *acidorum*, *adstringentium*, à *cerevisia* valde *saturata*, à potu *Coffee*, qui & ipse *obstructiones* invitat: præterea præstat *tempestive* *vernali* & *autumnali* tempore studiosis *modestam* aut interdum plane repetitam *laxationem* ordinare, qua collectæ *sordes* educuntur & varii morbi *præoccupantur*: quando etiam aliqualis *obstructio* diutius occupavit, tunc per unum aut alterum diem *solidi* cibi non ingerantur, sed cum *dieteticis liquidis* subveniendum est: frequentes *purgationes* destruunt etiam *Studioforum* sanitatem: neque etiam *salutare* est, *defectum* necessariæ excretionis alvinæ *semper* cum *medicamentis* pharmaceuticis & *pilulis* emendare velle: *emetica* excretiones artificiales non æque *studioforum conditionibus* respondent, nisi in nonnullis subjectis *durioris* naturæ & nationis *specialissimæ* circumstantiæ *modestam* emesin indicent: multum etiam sanitatem violat *frequens vomitus*, sub frequenti *crapula* commissus: fugiant itaque sapientia studentes omni cura & hanc & illum: deinde *transpiratio insensibilis* in constanti bono succēssu servetur: quare nimis *laxus* & negligens *vestitus* vitandus, neque sub frigido-humida aura corpus *sensibilibus* refrigeriis exponatur, neque *confestim* auctior *transpiratio* *supprimatur*, neque intensius augeatur & *impellatur*: tanto majori vero cura hæc *transpiratio hyemali* tempore promovenda, aut *vernali* & *autumnali* conservanda est, ne ex *negligentiori* illius succēssu multiplices sanitatis calamitates, quarum ex parte in præcedentibus mentio facta fuit, introducantur: porro *diuresis* in congruo ordine servari debet, id quod contingit per *sufficientem potum* & *motum*, per bonam *dieta*m, per *evitationem* internæ & externæ *refrigerationis*, per *temperantiam* & vitam *castam*, per usum *potus consueti* & bene defœcati, per *juscula* & *infusa calida*: corpus *castum* servetur, neque ulla ratione causa concilietur ad *seminis* jacturam: etenim *casta vita* multis modis

sani

sanitati prodest; neque etiam ad corpus redimendum anima perdenda est
dixit *Rejesius Camp. Elys. qv. 46.* hinc multi seminis evacuationem no-
civam judicarunt: quotquot etiam studiosi *pollutiones nocturnas*
experiuntur, illi *castis cogitationibus* indulgeant, *abstinentia* quo-
ad bonum & plenum cibum aut potum Spirituosum & alimentosum
studeant, *mobili vitæ generi* inhæreant & illas reliquas regulas obser-
vent, quarum *D. D. Præses in praxi extemporanea de Pollutione nocturna*
mentionem fecit: caveant etiam *medici*, ne unquam consilia *legibus di-*
vinis contraria ordinent: *conf. Rejes. l. c. malum enim consilium consul-*
tori pessimum dixit *Gellius*: usus *sternutatoriorum* cui admodum indulgent
passim studiosi, non est in *tanta copia* salutaris, offendit enim *caput* &
enervat successive *internos & externos sensus*: unde rectius illi qui sani-
tati suæ student ab ejusmodi irritis & *sterili* more abstineant: in *humidi-*
dis enim subjectis & ubi excretiones è naribus *difficilius* procedunt,
aliquando tali modestius sternutatorio uti licet: secus vero adhi-
bita sternutatoria *varias capitis, colli & pectoris* afflictiones, maxime
quidem *vertiginosas* perturbationes caufantur: reliquas *extraordina-*
rias excretiones cum Coryza & diarrhœa justis periodis decurrentes, ne
turbent aut subito reprimant, sed cum *modeste regimine* ad bonum even-
tum promoveant studiosi. Et ita brevibus de Sanitate Studiosorum
tuenda disseruimus: confitemur quidem, quod adhuc *multa* de hac
consideratione in medium proferri potuerint, nolimus tamen *limites*
dissertationis transcendere, quare hætenus brevitati operam dedimus.
Deum rogamus, quo hunc laborem benedictione sua comitetur, quo
multum fructum ferat, cui etiam pro viribus ad hunc laborem præstitis
devotissimas gratias referimus, insuperque precamur, quo Studiosa juven-
tus salutaribus hisce consiliis obtemperare & Deo optimo maximo no-
bis cum animum, corpus & omnes actiones conse-
crare velint.

